

DATO' KAMILIA DATO' IBRAHIM

Ahli Majlis Tertinggi UMNO

Najib Ketua Wanita UMNO Malaysia

merangkap Ketua Wanita UMNO Bahagian Kuala Kangsar



Assalamualaikum Warahmatullah Hiwabarakatuh

***Alhamdulillah hirabbil alamin, wassala tuwassala asyrafil ambiya
hiwarmursalin, Sayyidina Muhammadin Wa'ala Alihi Wasahbihi Ajmain.***

Kepada Allah SWT kita memanjatkan kesyukuran kepada NYA juga kita memohon petunjuk dan hidayah- Ihdina-sirat al-mustaqim dalam kita meneruskan perjuangan dan Wanita UMNO Malaysia untuk hari ini dan masa yang akan datang. Selawat dan Salam Ke atas Kekasih Allah, Penghulu Kita Nabi Muhammad S.A.W serta keluarga dan sahabat-sahabat baginda. Semoga Allah sentiasa memberi rahmat dan perlindungan kepada rakan-rakan seperjuangan ku

Saya mengucapkan kesyukuran dan berterima kasih dengan izin dan limpah rahmatnya telah memberi peluang kepada saya untuk berkhidmat kepada agama, bangsa dan negara bersama-sama rakan-rakan seperjuangan. Saya dengan rasa rendah diri dan penuh takzim merakamkan ucapan terima kasih di atas segala sokongan yang diberikan kepada saya. Semoga usaha kita akan menjadikan Wanita UMNO dan parti UMNO lebih kuat dan bersemangat merubah perspektif masyarakat terhadap UMNO. Semoga kita akan berganding bahu memberi yang terbaik kepada UMNO khususnya dalam memperkukuhkan Islam dan bangsa Melayu. Marilah kita sama-sama menghadapi segala ujian dan dugaan dengan hati cekal dan tabah. Masih jauh perjalanan kita dalam membina kekuatan dalaman parti kita. Namun apabila kita berpegang pada tali Allah, Insyallah semua dugaan dan cabaran akan menjadi mudah.

Sempena Ramadhan 1430H pada 22 Ogos 2009 ini, marilah kita sama mengikuti segala seruan dan tata susila perjuangan yang dituntut oleh Allah SWT. Sama-samalah kita menjadikan sifat Nabi Muhammad SAW sebagai pegangan kehidupan dan perjuangan kita supaya sentiasa dilimpahi cahaya keimanan dan keredhaanNYA. Jadikan Ramadhan ini sebagai bulan meningkatkan hubungan kita dengan Allah SWT. Terokailah Al-Quran yang mempunyai 1001 khazanah. AlQuran adalah Huda (Petunjuk), Syifa' (Ubat), Rahmah (Rahmat), dan Mau'izah (Nasihat). Allah Subhanahu Wa Ta'ala telah mengingatkan kita semua:

***“Wahai orang-orang yang beriman! Janganlah kamu mengkhianati (amanah)
Allah dan Rasul-Nya dan (janganlah) kamu mengkhianati amanah-amanah***

Saya juga mengambil kesempatan ini, memohon kerjasama rakan seperjuangan parti supaya memberi perhatian kepada elemen penyalahgunaan DADAH yang semakin ketara dan menghantui anak-anak khususnya anak bangsa kita. DADAH yang datang dalam pelbagai bentuk meninggalkan impak negatif kepada pembangunan insan. Kita tidak mahu keadaan ini berterusan sehingga memusnahkan agama dan bangsa kita. Masalah penyalahgunaan DADAH ini adalah masalah sejagat dan sejarah sudah membuktikan kuasa besar kecundang akibat DADAH.

Marilah kita melibatkan diri dengan aktiviti yang berupaya menjadikan diri, keluarga, rakan-rakan dan anggota masyarakat Sihat dan Cergas. Kita semua mesti berusaha melakukan yang terbaik untuk membantu meningkatkan mutu kehidupan kita selaras dengan kehendak agama. Bangunkan usaha kita dengan unsur kebaikan. Kita semua pasti menjadi hamba Allah yang pasrah dengan ketentuan Allah Subhanahu Wa Ta'ala dengan penuh keredhaan.

Kita berpadu tenaga dan fikiran untuk memastikan segala nasihat dari AlQuran dapat kita laksanakan dengan sempurna. Marilah kita menyeru kepada jalan kebenaran yang menuntut kewajiban melaksanakan perintah Allah dan menjauhi larangannya. Marilah sama-sama kita meningkatkan ketaqwaan kepada Allah Yang Maha Kekal. Kita berdoa agar Allah sentiasa memelihara Negara kita daripada bencana. Semoga Allah Yang Maha Esa memberi kita taufik dan hidayah untuk melaksanakan yang terbaik untuk pembangunan ummah dan Islam.

Wassalam.

Kamilia Ibrahim
10 Ogos 2009-
19 Syabaan 1430

***“ Hari inilah
Kusempurnakan
agamamu ini untuk
kamu sekalian dengan
Kucukupkan NikmatKu kepada Kamu
dan yang kusukai Islam
inilah menjadi agamamu”
Al-Maidah:3***

-Warkah DK 1-